

UNIVERSITI SAINS MALAYSIA

Peperiksaan Semester Kedua
Sidang 1992/93

April 1993

HMT 302 Sintaksis Bahasa Malaysia

Masa: [3 jam]

KERTAS PEPERIKSAAN INI MENGANDUNGI LIMA [5] SOALAN DALAM DUA [2] MUKA SURAT.

ARAHAN

- Jawab SEMUA soalan.
- Semua soalan mengandungi markah yang sama.
- Tulis nombor 1 hingga 5 pada muka surat hadapan kertas jawapan.
- Jawapan mestilah ringkas, tepat dan analitis.
- Pengabaian Bahasa Melayu Tinggi menjejaskan markah isi.

1. Abdullah Hassan di dalam bukunya Linguistik Am untuk Guru Bahasa Malaysia (1980: 198-200) mengemukakan 6 pola Ayat Dasar dan Nik Safiah Karim et.al. di dalam Tatabahasa Dewan Jilid 1: Ayat (1986): 43) mengemukakan 4 pola Ayat Dasar. Bincangkan kedua-dua pendapat ini dengan mengemukakan satu contoh untuk setiap pola. Beri komen jika perlu.
2. Perhatikan contoh ayat yang diperturunkan berikut ini:
 - (a) Dia itu penyanyi, bukan?
 - (b) Dia bekerja di sini, bukan?
 - (c) Kebun Bunga itu indah sekali, bukan?

Menurut Asmah Hj. Omar (1980: 363), ayat seperti contoh di atas ialah pertanyaan tempelan iaitu ayat yang ditempelkan pada Ayat Berita atau Ayat Perintah. Sila kemukakan asal setiap ayat dan bagaimanakah ia terhasil seperti itu.

3. Nik Safiah Karim et.al. (1986: 84) berpendapat bahawa ayat pasif asalnya terbentuk daripada ayat aktif (tanpa mengubah maknanya). Dengan menggunakan konsep ini sila susun semula ayat aktif yang disediakan menjadi ayat pasif.

Guru itu memanggil semua muridnya ke pejabat Guru Besar.

Nyatakan apa sahaja perubahan yang berlaku semasa penyusunan semula ini dilakukan.

4. Abdullah Hassan (1992: 218) menyatakan bahawa "apabila klausa yang dicantumkan di dalam sebuah ayat majmuk itu tidak sama tarafnya, maka terdapat klausa utama (induk) dan pancangan (klausa tak bebas). Klausa tak bebas induk menghasilkan ayat majmuk pancangan."

Wartawan Utusan Melayu menemuramah menteri yang baru pulang dari luar negeri itu.

Sila perlihatkan klausa induk (bebas) dan klausa tak bebas di dalam ayat di atas dan nyatakan bagaimanakah pemancangan dilakukan.

5. Perhatikan kutipan yang berikut ini.

Belum sempat Jamilah menjawab pertanyaan ayahnya, abangnya keluar dari dalam biliknya dan mengikuti perbincangan itu.

(Lagu Musim Bunga, 1988: 10)

Sila wujudkan Rumus Struktur Frasa bagi ayat di atas. Berdasarkan Struktur Frasa ini, bina satu Rajah Pohon Ayat Selapis Strukur Dalam.